

種痘新書

卷二



乾隆陸拾年新年鵲

張遜玉先生纂

種痘新法

內附外科痘疹

利書序

嘗聞天無私而化生地無私而
聖人無私而大道行於千古蓋
者之爲利普也而技藝之中
如醫術余友遜玉夢先生少
早入泮林利濟心溪商
趨鄉試悉落孫山乃心
煥

良相當爲良醫遂潛心醫術

疹愈加意焉夫痘疹之發刻日限期
危而且急治之如救焚拯溺非若他
症可以遷延時日也况黃口嬰孩五
臟未固六脈無憑雖有望聞難於切
問藥固不敢猛攻症又不容緩救盤
根錯節利器有時而難施惟先生獨

神其術通行州郡濟衆扶危四方咸
以二天戴之余乃問先生高術何自
而傳先生爲余言曰昔藟久吾先生
蒞任寧陽余先祖拜其門下于痘科
得其手書又兼口授襲箕裘者已三
世矣予曰公家既有秘傳曷不公之
于世普利羣生先生嘆曰

惟種痘之術不傳茲術家欲專二利
故秘其術以自私也余行術數十年
閱歷既深臨症亦衆痘症之險變幻
多端余已斟酌萬全投劑輒應今余
年將就衰欲將其術傳之天下故續
述遺篇詳加參考且將祖父秘傳

一書之於冊意欲付之剞劂以爲

世良方公盍爲余序之余乃歎曰先生此舉卽天地無私之心也蓋秘其術以救人救在一方不可以及天下救在一時不可以及後世此書一出而天下後世之嬰兒如賴一家之父母卽爲當朝良相未必父母乎天下卽父母乎天下未能父母乎後世先

生之功不居然良相之上先生之德
不儼然與天地聖人參乎子乃欣然
握管以弁其首云

筆山伍士玉琢章氏謹題



自序

今夫創千古未有之奇裁一心獨得
之蘊以新岐黃之耳目者乃得謂之
新若治痘之家名賢濟濟即治痘之
法汗簡盈盈但墨守一室者拘管見
而不能通循行故轍者泥常法而不
知變率由舊章陳陳相因已耳即以

舊章而論字內方書總無種痘之說
豈治痘之方則宜傳之於世而種痘
之術不可向人言乎蓋秘其訣而不
肯筆之于書私其技而不欲公之于
世也余今乃洩人之所未洩傳人之
所不傳書不云新亦何云乎或謂痘
爲最險之症當天行癘疫人皆惶恐

方思速避之不暇况集嬰孩乎不無
影無端取而種之是舉無疾之人
空而授之以病也仁者將安忍乎余
曰不然痘乃先天之毒方陰陽交感
之際早已植根於胎元一遇五運變
遷時行疫氣之感從末有不發者若
俟其既發而始圖之則疫氣流行症

多不順又或付之庸手表裏虛寔之
莫辨溫涼和解之不明既不能起死
以回生反歸咎于天灾之作孽此余
所以痛心疾首不能不致嘆於消患
於未萌保安于未危者其功為甚鉅
也惟于無事之日以佳苗而引貽毒

斯毒不橫而症自順敢曰人謀能每

仁人慈幼之善術耳。余祖承聶氏以吾
先生之教種痘箕裘。已經數代。余賣
父書遍臨痘症。幾及萬人。用數十年
艱苦之思。日憂勤於治痘之法。師古
而不泥於古。讀書不盡信其書。辨症
發藥。因病制方。重可使輕。逆可使順。

危可使安雖遇不治之症亦或為之
治矣但年暮力疲無復四方之志爰
將生平學力悉筆於書非敢曰創于
古未有之奇也特以獨得而心裁者
公之于世以補慈幼之術而新岐黃
之耳目云爾故題之曰種痘新書

清乾隆六年辛酉歲次仲春月穀旦
三山汀郡寧陽張 琰遜王氏
題



種痘新書凡例

一醫宜首明藥性藥性若熟則左宜右有隨症立方因時制宜百無不效故首卷必先藥性况痘症之發限日限時而藥亦

有因時而用者故詳辨前後之所忌與先後生熟之所宜令學者覽之知某日當用生某日當用熟某藥忌於前某藥宜於後庶不至於有誤也

一望聞問切醫家之要缺一而不可也但痘症多出小兒既無脉之可憑且痘出則肌肉浮腫而又難于切脉况痘毒雖由臟腑症盡程于皮膚觀其外即可知其內是又不必深求乎脉也故于脉訣畧而不詳欲學者留心于望聞與問而已

一方書極備于往昔。余嘗博覽名書。採取奇方。留心數十餘年。擇其效者而存之。其不效者而去之。更彙遊宇內。遍訪高明。所得家傳秘訣。悉呈于書。以傳天下。

一書中議論。或出于一己之化裁。或因乎前賢之故典。蓋往昔不刊之論。不敢復增一字。必傳爲萬代之謨。剖晰不厭詳明。無妨條呈法度。以爲學者之則。此爲述爲作。無非立印發明也。

一書中分順險與逆順者。不必治。逆者不可治。

一書中分順險與逆順者。不必治。逆者不可治。

一書中分順險與逆順者。不必治。逆者不可治。